

Kataluniako oposizioko taldeek ez diete erantzunik eman Pujolen botere eskaerei

Generalitateko buruak ez ditu autogobernuari buruzko negoziazioak atzeratuko

Kataluniako Legebiltzarreko oposizioko talde nagusiek uko egin zioten atzo Jordi Pujolek bezperan egin-dako botere politiko eta ekonomiko handiagoren eskaerak komentatzeari. PSCK, PPK eta ICK nahiago izan zuten Generalitatearen eguneroko jarduna kritikatu eta Pujolen proiektua «agortuta» dagoela esan. Pujolek, bitartean, jakinarazi zuen Euskal Herriko egoerak ez dituela bere errebindikazioen negoziazioak atzeratuko.

Agentziak / Bartzelona

JOSEP CURTO PPko bozeramaileak bakarrik egin zien aipamen Pujolek asteartean egindako eskaerei, eta labur egin ere, gainera. Curtok eskatu zion Pujoli «fantasia nazionalistak» alde batera uzteko. «Kataluniak ez du beste garai konstituziogilerik behar», azpimarratu zuen. Izan ere, bezperan Generalitateko buruak ziurtatu zuen autonomia Estatua agortzear dagoela eta, Konstituzioa berdin utzi arren, hurrengo urteotan Kataluniak botere gehiago eskuratu behar duela.

Curtok eskatu zion Pujoli ETak deklaratu duen su-etena eta errebindikazio nazionalistak bereizi ditzala. Hitzaldiaren beste zati gehienetan, PPko bozeramaile oso kritikoa izan zen CiUren Gobernuaren politikarekin.

Pujolek onartu egin zuen Euskal Herriko egoera eta Kataluniakoa bereizi egin behar zirela, baina ez zuen eztabaida atzeratu nahi izan. «Autogobernu handiagoren eta finantzaketa eredu berriaren eskaerak ez dira berriak, aspaldi egin genituen. Ez



Joaquim Nadal PSCKo bozeramaileak eta Josep Curto PPkoa, atzo, Kataluniako Legebiltzarrean hizketan.

JULIAN MARTIN / EFE

diezagutela esan orain ez dela garaia, bada eta. ETaren su-etena ez zegoen aurreikusita, erdian sartu zaigu, baina guk gure planteamenduekin berdin jarraitu behar dugu».

Joaquim Nadal PSCKo bozeramaileak eta Rafael Ribo ICkoak, berriz, hurrengo urtean egitekoak diren Kataluniako hauteskunde autonomikoak izan zituzten hipzide nagusi. Biek azpimarratu nahi izan zuten Pujolen aroa agortuta dagoela, eta gehiengo berri baten sorrera aldarrikatu zuten.

Nadalek «eskas» bat eman zien Pujoli eta Generalitateko kontseilari guztiei eguneroko jardunean, eta finantzaketa eredu «txararren» errua Pujoli berari leporatu zion. Ribok, berriz, «irregularitateak eta ustelkeriek» bukatu behar dutela adierazi zuen.

Pique: «Garaia iristen denean hitz egingo dugu finantzaketaz»

JORDI PUJOLEN arabera, lehentasuna dauka Kataluniarentzat finantzaketa eredu berri bat lortzeak. Eredu berri horrek Hego Euskal Herriko bi komunitateek dutenaren antzekoa izan behar luke; hortaz, Kataluniak zuzeneko zerga guztiak bilduko lituzke, eta gero, horien zati bat itzuliko lioke Estatuari, haren funtzionamendurako eta komunitate pobreenak laguntzeko.

Generalitateko presidentek PPren Gobernuarekin negoziatu nahi du finantzaketa modu berria hurrengo urtean, baina Madrilek ez du hainbesteko presarik. Josep Pique Gobernuaren bozeramaileak onartu egin zuen atzo finantziario autonomikoaren eredu negoziatu behar dela, baina ez dela horretarako garaia gehitu zuen. «Oraingo sistema bost urterakoa da, eta epe hori igarota berriz eztabaidatu behar da. Oraindik hiru urte eta erdi falta direnean CiUk eztabaida bultzatzen badu, Gobernuak ere eskubidea du esateko garaia heltzen denean eztabaidatuko duela». Oraingo sistema, 1997an jarri zen indarrean, eta 2001. urteko abenduan amaituko da. Eredu horren arabera, autonomia bakoitzak beretzat gordetzen du bere lurraldean bildutako Errenta Zergaren %30. Sozialisten menpean dauden komunitateek ez dute sistema hori onartu. X

Hamar egunetik behin emakume bat hil da Espainian tratu txarren ondorioz urteko lehen zortzi hilabeteetan

Gobernuak iragarri du Kode Penalaren aldaketa azaroan hasiko direla eztabaidatzen Legebiltzarran

Agentziak / Madril

1998-KO lehen zortzi hilabeteetan hamar egunetik behin emakume bat hil zen bere senarrak edo bikotekideak emandako tratu txarren ondorioz. 1997an, berriz, lau egunetik behin hil zuten emakume bat. Iaz 91 emakume hil ziren, eta aurreko urtean, berriz, hogeitamar inguru.

Datuak Javier Arenas Lan eta Gizarte Arazoetako Espainiako ministroak eta Margarita Mariscal de Gante Justiziakoak eman zituzten. Arenasek eta Mariscalek komunikabideen aurrean azaldu zituzten Kode Penalean

egingo diren aldaketa batzuk, tratu txarren aurka hobeto borrokatzeko; horretaz gain, apirilean Etxeko Indarkeriaren Aurkako Planaren lehen datuak ere eman zituzten. Arenasek ukatu egin zuen Gobernuak balantze «triumfalista» egin duela, baina ziurtatu zuen aurrerapauso batzuk izan direla. Horien artean leudeke salaketak %10 handitu izana abuztua arte —dagoeneko 12.914 salaketa daude—. Biktimei laguntza ematen dien telefono berezira 267 emakume deitu zuten iazko lehen zortzi hilabeteetan, eta aurreko urtean, 3.514 deitu izan dira epe berdinean. Halaber, Gizarte Arazoetako

ministroak ziurtatu zuen Errenta Zergaren aurretiko deklarazioan lehentasuna eman zaiela tratu txarren aurka borrokatzen duten Gobernu Kanpoko Erakundeei. Almerian, gainera, tratu txarrak jasan dituzten emakumeen lehen larrialdiko zentroa zabaldu dute. Justizia ministroak, berriz, jakinarazi zuen azaroan helduko dela Legebiltzarrera tratu txarren aurka Kode Penalean egingo den aldaketaren legegaitza. Iragan ostiralean igorri zion Gobernuak proiektua CGPJri, eta organu horrek hurrengo astean emango du bere iritzia. Joan den ostiralean aurreratu

bezala, epaileen esku izango da tratu txarren egilea biktimarengandik urruntzea. Orain arte erasotzaileen aurkako epaia behar zen halako neurri bat hartzeko, baina orain nahikoa izango da salaketa bat izatea. Gainera, aurretik tratu txar psikikoak ere delitu izango dira, eta hiru urte arteko kartzelarekin zigortuko dira. Mariscalek balizko biktimen senideei edo bizilagunei eskatu zien tratu txarren berri emateko, eta ukatu egin zuen epaileek eta fiskalek gai horretan oso bigun jokatzeko dutela, emakume talde batzuek hori salatu arren. X

Albaceteko 90 urteko gizon batek emaztea eta alaba tiroz hil ditu, bere buruaz beste egin aurretik

■ Alacanten eta Pontevedran bi gizonen aurkitu dituzte erailda

Agentziak / Albacete

J.G.A. 90 urteko gizonen emaztea eta alaba hil zituen tiroz atzo arratsaldetik Albaceten, eta ondoren bere buruaz beste egin zuen hesi batetik bere burua zintzilikatuz. Agurak eroraldi bat izan zuela edo familiarekin arazoak izan zitzakeela aipatu ditu Poliziak hilketaren arrazoiak emateko orduan.

Antonio Moreno Albaceteko komisario buruak jakinarazi zuenez, ordubiak aldera pertsona batek ohartarazi zion Poliziari tiroketa bat izaten ari zela, Jaenera doan errepidearen inguruko urbanizazio batean. Polizia bertaratu zenean, 90 urteko emakume baten gorpua ikusi zuten zelai batean. Lursail batzuk urrutiago topatu zituzten I.G.G. 61 urteko emakumearen gorpua eta gertu, ustez aurreko tiro egin zien J.G.A. 90 urteko gizonen emaztea. Eraso-tzaileak hesi batetik zintzilikatuta egin zuen bere buruaz beste.

Familiaren etxebizitzan aurkitu zuten, larri zaurituta, erasotzailearen suhia, E.R.C. 64 urtekoa. Europa Press agentziaren arabera, suhia izan zen Polizia ohartarazi zuena. Zauritua Albaceteko ospitalera eraman zuten, eta bertan ebakuntza egin zioten bala kentzeko.

Hildako bat maletatokia eta beste bat etxean ■ Poliziak eta Guardia Zibilak gutxienez beste bi hilketen berri eman zuten atzo.

Baionan (Pontevedra, Galizia), Santa Marta hondartza inguruko aparkalekuan gizonen gorpua aurkitu zuten auto bateko maletatokia. Hilotza erdi ustelduta zegoen, baina hainbat laban-kada jaso zituela nabari zen. Autoak hainbat egun zaramatzen aparkalekuan, eta kiratsa zeriola sumatzen. Guardia Zibila ohartarazi zuten bizilagun batzuek. Hildakoa zein den aztertzen ari zen atzo Vigoko Polizia Judiziala.

Torrivejan (Alacante), bestetik, R. Bise izeneko Suitzako herritarren gorpua aurkitu zuten bere etxean. Poliziak zabaldu duenez, gizona lotuta zegoen, ahoa estalita zuten eta hainbat kolpe-zen azarnak zituen gorputzean. Jipoiaren ondorioz hil zen. Hildakoaren autoa gutziz kiskalita aurkitu dute R. Bise suitzarraren etxetik gertu. X